

**Headlines**

1 लोकसभा चुनाव 2024 के पहले गेड़ लेई प्रचार अज्ज संजा 5 बजे खत्म होई गेआ। इस गेड़ तैहत् अतरुं 19 अप्रैल गी उधमपुर कठुआ डोडा हल्के सनें कुल 102 लोकसभा सीटें लेई वोट पाए जांगन।

2 चुनाव कोला पहिले सुरक्षा बले गी इक बड्डी कामयाबी हासल होई। पुंछ जिले दी मेंढर सब-डिवीजन के सनाए गुरसाई के जंगले चा 3 आईईडी विस्फोटक बरामद कीते गे न।

3 प्रभुराम हुंदा जन्मदिन “रामनौमी” मुख् भरै च धार्मिक श्रद्धा ते उत्साह कन्ने मनाई जा'रदी ऐ। अयोध्या च श्रद्धा ते भक्ति मयी माहोल, श्रद्धालुएं दा भारी रश।

4 जम्मू कश्मीर के बक्ख बक्ख हिस्सें च रामनौमी दी रौनक, विशेष पूजा अर्चना, शोभा यात्रा ते मंदरें च श्रद्धा ते उत्साह दा नजारा दिक्खने गी लब्धा करदा ऐ।

<><><><><><>

**Campaigning End**

लोकसभा के पहिले गेड़ के चुनाव लेई प्रचार दा अज्ज खीरी ध्याड़ा हा। प्रचार अज्ज संजा 5 बजे मुक्की गेआ। सब्बने सियासी पार्टिं के नेता मतदाताएं गी अपने पक्ख च करने लेई जी-जान कन्ने जुटे के न। पहिले गेड़ के चुनाव तैहत् 17 राज्यें ते 4 केन्द्र शासत प्रदेशें दिएं 102 सीटें तैहत् वोट पाए जांगन। इंदे च तमिलनाडू दियां 39 सीटां, राजस्थान दियां 12 सीटां, उत्तर प्रदेश दियां 8 सीटां, मध्यप्रदेश दियां 6 सीटां, उत्तराखंड, असम ते महाराष्ट्र दियां 5-5 सीटां, बिहार दियां 4 सीटां, पच्छिम बंगाल दियां 3, अरुणचल प्रदेश ते मणिपुर दियां 2-2 सीटां ते छत्तीसगढ़, मिजोरम, नागालैंड, सिक्किम, त्रिपुरा, अंडमान ते निकोबार टापुएं, जम्मू कश्मीर, लक्ष्यद्वीप ते पुदुचेरी दी 1-1 सीट शामिल ऐ।

<><><><><><>

**IED Recovered**

सरहदी जिले पुंछ च अज्ज आतंकवादिं के इक ठकाने थमां आईईडी विस्फोटक बरामद कीते गे जिंदा वजन 3 कोला 20 किलाग्राम दी बिच्च हा। अधिकारिक जानकारी मूजब लोकसभा चुनाव कोला पहिले एह इक बड्डी कामयाबी ऐ। एह आईईडी विस्फोटक 5 किलो, 10 किलो ते 20 किलो छमता आले स्टील के डब्बें च फिट करियै आतंकवादिं आस्सेआ छप्पने लेई इस्तेमाल कीती जाने आली इक गुफा च छपैलियै रखे गेदे हे। एह बरामदगी पुलस, सीआरपीएफ ते राष्ट्रीय राइफलज के, मेंढर सब डिवीजन च सनाई-गुरसाई आले जंगलें च तुपाई अभियान दरान कीती गेई। अधिकारिं जानकारी दित्ती ऐ जे बम्ब नकारा करने आले दस्ते गी सदिदयै विस्फोटकें गी नकारा कीता। उनें आक्खेआ जे इआं बझांदा ऐ जे आतंकवादिं दी चुनाव दरान कुसै आतंकी कारवाई दी साजश ही जिसी इस बरामदगी कन्ने नकाम करी दित्ता गेआ ऐ। इस मामले च अजे कुसै गी गिरफ्तार नेई कीता गेआ ऐ।

<><><><><><>

**Polling Party(byte)**

कठुआ के जिला चुनाव अधिकारी डॉ. राकेश मिन्हास होरें सरकारी डिग्री कालेज कठुआ थमां चुनावी अमले के सुरक्षाकर्मिं गी बनी हल्के लेई 2 दिन अगेत्रे रवाना करोआया जेहड़ा इक दूर-दरेड़ा इलाका ऐ ते उत्थें मौसम गी लेइयै बी अनिश्चितता बनी दी रौहदी ऐ। साढ़े जिला संवाददाता प्रदीप शर्मा कन्ने इस बारे गल्ल करदे होई रिटर्निंग अफसर डॉ. राकेश मिन्हास होरें आक्खेआ.....बाईट

<><><><><><>

**Poll Party Udhampur(byte)**

उधमपुर जिला, उधमपुर-कटुआ पार्लिमान्नी हल्के हेठ औंदा ऐ जित्थें औंदी 19 तरीक गी मतदाता चुनां मैदान व खड़ोते दे कुल 12 मेदवारें दी किस्मत दा फौसला करगन। इनें मेदवारें च केन्द्री मंत्री डॉ. जितेन्द्र सिंह बी शामिल न। इस सरबंघै च साढ़े जिला संवाददाता अचिन दूबे कन्नै गल्ल करदे होई जिला चुनां अधिकारी सलोनी राय होरें आक्खेआ.....बाईट

<><><><><><>

#### Notification 4<sup>th</sup> Phase

लोकसभा चुनां दे चौथे गेड़ लेई अधिसूचना कल जारी कीती जाग। इस गेड़ तैहत औंदे म्हीने दी 13 तरीक गी 9 राज्यें ते इक केन्द्र शासत प्रदेश च कुल 96 लोकसभा सीटें लेई वोट पोआए जांगन। इनें सीटें च आंध्रप्रदेश दियां सब्बै 25 लोकसभा सीटां, तेलंगाना दियां बी सब्बै 17 सीटां, उत्तर प्रदेश च 4, मध्यप्रदेश ते पच्छिम बंगाल दियां 8-8 सीटां, बिहार दियां 5, झारखंड ते ओडिशा दियां 4-4 सीटां ते केन्द्र शासत प्रदेश जम्मू कश्मीर दी इक सीट शामिल ऐ। इस गेड़ लेई नामांकन इस म्हीने दी 25 तरीक तगर दाखल कराए जाई सकदे न।

<><><><><><>

#### Resitrictions Ramban

उधमपुर पार्लिमान्नी हल्के च लोकसभा चुनाएं दरान कन्नू-बवस्था रमानदारी ते संबोध बनाई रखने लेई रामबन जिले च सीआरपीसी दी दफा 144 तैहत बंदिशां नाफक कीतियां गेइयां न। रामबन दे डिप्टी कमीशनर बसीर-उल-हक-चौधरी होरें चुनां दे समें दरान मतदान केन्द्रें गी छोड़ियै होरने थाहरें पर 5 जां ओहदे शा मते लोकें दे किट्ठे होने पर पाबंघी लाने दा हुक्म दित्ता ऐ। उआं रामबन जिले च अज्ज संजा 5 बजे शा लेइयै 48एं घैंटें तगर घर जाइयै कीते जाने आले प्रचार उप्पर एह पाबंदी लागू नेई होग।

<><><><><><>

#### Ayodhya Ram

देस भरै च अज्ज राम नौमी दा पर्व पूरी धार्मिक श्रद्धा कन्नै मनाया जा'रदा ऐ। इस पवित्र ध्याड़े पर खरी मती गिनतरी च श्रद्धालु अयोध्या पुज्जा करदे न। श्री राम जन्मभूमि तीर्थ क्षेत्र ट्रस्ट नै 500 ब'रें दे संघर्ष परैंत बनाए गेदे श्री राम मंदरै च रामनौमी दे पर्व लेई विशेष प्रबंध कीते दे न। नेया पैहली बारी ऐ जिसलै श्री राम जन्म उत्सव दा पर्व नमें बनाए गेदे श्री राम लला मंदरै च मनाया गेआ ऐ। प्रशासन नै इस मौके पर सुरक्षा दे सब्बै लोडचदे प्रबंध कीते दे न। सुरक्षाबलें दी तैनाती बक्ख-बक्ख जोन, सेक्टरें ते सब-सेक्टरें स्हाबै कीती गेदी ऐ। श्रद्धालुएं दी गिनतरी दे स्हाबै दुनिया भरै च पैहली थाहर हासल करने दे बाद अयोध्या दे भव्य श्री राम मंदर नै उसलै इक होर इतिहास रची दित्ता जिसलै अज्ज दपैहरी 12 बजे कोई 4 मिंटें लेई सूरज दिए किरणें प्रभु श्रीराम हुंदी मूर्ति दे मत्थे पर तिलक कीता। अज्ज दिनै 11 बजे तगर राममंदर दे बेहड़े च खरी मती गिनतरी च श्रद्धालु किट्ठे होई गेदे हे ते जियां गै दपैहरी 12 बजे दा समां नेड़े आया तां जशन दा म्हौल, भक्ति ते आस्था दी लैहर च बदली गेआ। दपैहरी साढ़े 11 बजे मंदर दे भित्त बंद करी दित्ते गे ते ठीक 12 बजे भव्य भारती दे कन्नै मंदर दे भित्त खोले गे। ज्हारां बद्धे श्रद्धालुएं इस आरती च हिस्सा लैता।

<><><><><><>

#### PM-Ram Lalaa

प्रधानमंत्री नरेन्द्र मोदी होरें अज्ज राम लला सूर्य तिलक गी डिजीटल सरिस्ते राएं दिक्खेआ। सोशल मीडिया पर अपनी इक पोस्ट च मोदी होरें आक्खेआ जे लक्खें भारतीयें आला लेखा उंदे लेई बी एह इक "जज्बाती घड़ी" ही। प्रधानमंत्री होरें मेद प्रगट कीती जे "सूर्य तिलक" सब्बने दे जीवनै च नमी शक्ति ते ऊर्जा दा संचार करै। उनें इस तिलक गी राश्ट्रीय गौरव दी नमी उंचाइए तगर पजाने दी प्रेरणा थोने दी बी कामना कीती।

<><><><><><>

#### Ram Navmi Jammu

भगवान श्री राम हुंदा जन्म ध्याड़ा "रामनौमी" मुल्खै दे बाकी हिस्से आला लेखा अज्ज जम्मू कश्मीर च बी मते उत्साह कन्नै मनाई जाई दी ऐ। जम्मू च इस मौके सब्बने मंदरें श्रद्धालुएं दा भारी रश दिक्खने गी लब्धा जिंदे च एतिहासक रघुनाथ मंदर ते प्रांतै दे बक्ख-बक्ख हिस्से दे होर केई मंदर शामिल न। तोआई बाहु किले च स्थित बावे आला माता दे मंदरै च बी श्रद्धालुएं दा भारी रशे दिक्खने गी लब्धा।

<><><><><><>

### **RN-Udhampur**

पूरे उधमपुर जिले च बी अज्ज रामनौमी दी रौनक ते श्रद्धा ते उत्साह आला माहोल दिक्खने गी लब्धा करदा ऐ। सब्बने मंदरें गी बड़े शैल सनाखड़े ढंगे नै सजाया गेदा ऐ ते अज्ज पूरी ध्याड़ी मंदरें च श्रद्धालुएं दी आओजाई, भजन कीर्तन, हवन यज्ञ ते लंगरें दा सरिस्ता कीता गेदा हा। उधमपुर दे देवका घाट इलाकें च अज्ज बडलै सवेलै थमां गै माता दी साख परोआने आलें दी भीड लग्गी दी रेही।

<><><><><><>

### **RN Kathua**

कठुआ जिले च बी रामनौमी दा पर्व मते जोश ते श्रद्धा भाव कन्नै मनाया गेआ। इस मौके इक शानदार शोभा यात्रा कड्डी गई जेहड़ी रामलीला ग्राउंड कठुआ थमां शुरू होई ते कस्बे दे बक्ख-बक्ख हिस्से थमां होइयै लंघी। शोभा यात्रा च भगवान श्री राम ते माता सीता दियां झांकियां बी शामिल हियां। केन्द्री मंत्री डॉ जितेन्द्र सिंह बी इस शोभा यात्रा च शामिल होए।

<><><><><><>

### **Katra Navratri(byte)**

पवित्र नरातें दे अज्ज खीरले ध्याड़े खरी मती गिनतरी च श्रद्धालुएं श्री माता वैष्णो देवी जी दे दरबार च मत्था टेकेआ। श्रद्धालुएं दे बड़े भारी रश गी दिक्खदे होई उत्थें सुरक्षा दे बी निगगर प्रबंध कीते गेदे न। केन्द्री रिजर्व पुलस बल-सीआरपीएफ नै कटरा सनें भवन तोड़ी जाने आले यात्रा मार्ग पर सुरक्षा ते सतर्कता बधाई दित्ती दी ऐ। इस मौके पर साढ़े संवाददाता कन्नै गल्ल करदे होई श्री माता वैष्णो देवी श्राईन बोर्ड दे मुख्ख कार्जकारी अधिकारी अन्शुल गर्ग होरें आक्खेआ.....बाईट

<><><><><><>

### **PM Patrika**

प्रधानमंत्री ते बीजेपी दे वरिष्ठ नेता परेन्द्र मोदी होरें आक्खेआ ऐ जे पूरा देश इक राष्ट्र इक चुनां दी जरूरत सेई करै करदा ऐ। इक हिंदी दैनिक अखबार कन्नै इक इंटरव्यू च मोदी होरें आक्खेआ ऐ जे इक राष्ट्र इक चुनां बारे उच्ची सतह दी कमेटी नै केई सकारात्मक सुझाह दित्ते न। उनें आक्खेआ जे जेकर एह बवस्था लागू कीती गई तां एहदा बड्डे पैमाने पर फायदा होग। इक होर सुआलै दे परतै च मोदी होरें आक्खेआ जे बीजेपी दा निश्चा भारत गी दुनिया दे हर इक उभरदे क्षेत्र लेई इक वैश्विक केन्द्र बनाना ऐ। उनें आक्खेआ जे देश दे विकास लेई ओ दिन रात मेहनत करै करदे न।

<><><><><><>